

Ysgol Treganna

Cylchlythyr wythnosol



Wythnos yma

Croeso nol i bawb i dymor yr Hydref ac rydym yn edrych ymlaen at flwyddyn brysur a chyffrous arall yn ysgol Treganna! Croeso arbennig i'r plant Meithrin a Derbyn a'r disgyblion newydd sydd wedi dechrau yn yr ysgol yr wythnos hon. Mae pawb wedi ymgartrefu yn wych ac mae wedi bod yn hyfryd croesawu holl deulu Treganna nol i'r ysgol.

Mae dyddiadau'r tymor wedi eu danfon atoch heddiw gan gynnwys manylion am ddyddiadau HMS y flwyddyn. Byddwn yn ychwanegu at y dyddiadau yma yn ystod y tymor ac yn cadarnhau yn union pa ddiwrnodau fydd sioeau Nadolig mis Rhagfyr.

Byddwn hefyd yn danfon gohebiaeth atoch fel rhieni bob dydd Mawrth a dydd Gwener. Ar ddydd Mawrth byddwn yn danfon y Cyswllt Wythnosol atoch ar ap Group Ed/ e-bost. Yn y Cyswllt Wythnosol mae gwybodaeth benodol am drefniadau/ digwyddiadau dosbarth eich plentyn. Ar ddydd Gwener byddwn yn danfon y Cylchlythyr Wythnosol atoch ar Group Ed/ e bost. Yn y cylchlythyr rydym yn dathlu llwyddiannau'r wythnos ac yn sôn am faterion/ digwyddiadau ysgol gyfan.

Os oes gennych bryder neu am gysylltu gydag athrawes/ athro dosbarth eich plentyn neu aelod o'r tîm arwain, gofynnwn yn garedig i chi ffonio'r dderbynfa neu ddanfon e-bost (ysgoltreganna@cardiff.gov.uk) Byddwn yn ymateb cyn gynted ag y bod modd.

Edrychwn ymlaen yn fawr at gydweithio gyda chi a'ch plentyn eleni.

Calendr



**Nosweithiau
Agored**

**Wythnos yn
cychwyn y
15fed o Fedi**

**Croeso i
Dreganna
(Digwyddiad y
GRhA i rieni
newydd)**

**Nos lau y 18fed
o Fedi**

Sesiynau Cwrdd â'r Athro

Mae sesiynau Cwrdd â'r Athro wedi eu trefnu ar gyfer mis yma. Bwriad y sesiynau yma yw rhoi cyfle i rieni/ gwarcheidwaid i gyfarfod athrawon y dosbarth, i holi cwestiynau ac i dderbyn gwybodaeth am drefniadau'r dosbarth. Oherwydd diffyg lle a goruchwyliaeth, gofynnwn yn garedig i rieni yn unig fynychu'r sesiynau yma. A fyddai modd i chi nodi ar y ffurflen yma os fyddwch yn mynychu'r cyfarfod? Diolch yn fawr.

<https://forms.gle/Y6eNKojxV29E37HT9>

15/9/25	Dosbarth Derbyn a Blwyddyn 1
16/9/25	Blwyddyn 2 a Blwyddyn 3
17/9/25	Blwyddyn 4 a Blwyddyn 5
18/9/25	Blwyddyn 6

Dillad Ymarfer Corff

Ar ddechrau'r tymor hoffem ofyn yn garedig i chi sicrhau bod eich plant yn gwisgo gwisg ymarfer corff i ddod i'r ysgol ar ddiwrnodau Addysg Gorfforol y dosbarth. Mae'r wisg yma yn cynnwys trowsus ymarfer corff/ leggings du, crys T cymuned a siwmpwr ysgol Treganna. Ni fyddwn yn caniatáu leggings a siwmpwr lliwgar ar ddiwrnodau ymarfer corff. Diolch yn fawr.

Meithrin	Dydd Llun
Derbyn	Dydd Mawrth a Dydd Iau
Bl 1	Dydd Mawrth a Dydd Iau
Bl 2	Dydd Mercher a Dydd Iau
Bl 3	Dydd Llun a Dydd Mercher
Bl 4	Dydd Mercher a Dydd Iau
Bl 5	Dydd Llun a Dydd Mawrth
Bl 6	Dydd Mawrth a Dydd Mercher

Digwyddiadau Ffrindiau Ysgol Treganna

2025
2026

MEDI
18

CROESO I DREGANNA

Cyfle i gymdeithasu â theuluoedd dosbarthiadau'r Meithrin a Derbyn.
3.30pm

HYD
03

NOSON BINGO

Noson i'r rhieni ac athrawon gyda gwobrau, bwyd a diod.
7pm

HYD
23

DISGO CALAN GAEAF

Digwyddiad i'r plant - amser i wisgo fyny, dawnsio ac i fwynhau gyda'u ffrindiau.
Sesiynau amrywiol

TACH
28

FFAIR NADOLIG

Dewch i siopa am eich anrhegion Nadolig gyda chwmnïau lleol a champweithiau'r disgyblion.
3.30-6pm

RHAG
DYDDIAD I'W
GADARNHAU

NOSON TORCHAU NADOLIG

Dewch a'ch llygaid creadigol - creu torch Nadolig a mwynhau gwin poeth gydag arbenigwr lleol.

CHWE
07

LLOEGR V CYMRU

Digwyddiad i'r teulu cyfan - cyfle i wylïo'r gêm rygbi yn yr ysgol gyda theuluoedd o gymuned Treganna.
4.15pm

MAW
05

DIWRNOD Y LLYFR

Mwy o wybodaeth maes o law.

EBR
17

NOSON CAWS, GWIN A CHWIS

Noson i'r rhieni ac athrawon gyda gwobrau, bwyd a diod.

MEH
26

TREGWYL

Dathliad haf i'r ysgol gyfan - croeso cynnes i bawb!



Dilynwch ni ar Instagram
[@ffrindiau_ysgol_treganna](#)

Patrwm iaith

Wythnos nesaf, dyma batrwm iaith yr wythnos

Ga i os gwelwch yn dda?

Her

Oes modd i mi gael...os gwelwch yn dda?

A fyddai'n bosib...?

Testun trafod yr wythnos

Pe bai gen i dri dymuniad...

Cân yr wythnos

Gwilym - Catalunya

Idiom yr wythnos

Heb siw na miw

Kidslingo Caerdydd

Mae cwmni Kidslingo Caerdydd yn hapus iawn i ddechrau dau glwb ar ôl ysgol Sbaeneg drwy gyfrwng y Gymraeg yn Ysgol Treganna ar gyfer Blynnyddoedd 3 a 4 yn Nhymor yr Hydref.

BLWYDDYN 3 yn unig

DYDD LLUN 3.30 – 4.30 Cliciwch [yma](#) i archebu lle cyn gynted â phosib. Fe fydd y sesiwn gyntaf ar Ddydd Llun 29/9/25

BLWYDDYN 4 yn unig

DYDD MERCHER 3.30 – 4.30 Cliciwch [yma](#) i archebu lle cyn gynted â phosib. Fe fydd y sesiwn gyntaf ar Ddydd Mercher 1/10/25

£8.50 fesul gwers (+ 2% cost archebu) ac mae'n rhaid archebu fesul tymor os gwelwch yn dda.

Mae llefydd yn gyfyngedig ac yn cael eu cynnig i'r cyntaf sy'n cofrestru.

Gweler y poster am fwy o fanylion. Os oes gennych unrhyw gwestiynau plîs peidiwch cysylltu gyda'r ysgol gan ei fod yn cael ei redeg gan gwmni allanol Kidslingo, cysylltwch ar yr ebost isod - audrey.hancock@kidslingo.co.uk

RHAGLENNI FFRANGEG A SBAENEG KIDSLINGO YN CA2

Yn rhan o addysg eang a chytbwys, mae rhaglenni Ffrangeg a Sbaeneg Kidslingo wedi'u cynllunio i ddiwallu anghenion Maes Dysgu a Phrofiad Ieithoedd Rhyngwladol y Cwricwlwm i Gymru.

- Rydyn ni'n darparu cymorth ITM i ysgolion trwy'r ffyrdd canlynol : *clybiau ysgol (brecwast, amser cinio ac ar ôl ysgol) *Dosbarthiadau cwricwlwm (cyfnodau CPA) *Diwrnodau cyfoethogi iaith *Dosbarthiadau pontio ysgol uwchradd.
- Ein bwriad yw ysbrydoli plant i ddysgu Ffrangeg a Sbaeneg trwy ddefnyddio caneuon, symudiadau, gemau, storïau a gweithgareddau drama strwythuredig.
- Rydyn ni'n defnyddio methodoleg gyffrous a hwyliog achos rydyn ni eisiau i'n dysgwyr gael profiad cadarnhaol o ddysgu iaith, a datblygu eu sgiliau siarad, gwrando, darllen, ysgrifennu, ffoneg a gramadeg.

Mae gan athrawon arbenigol a brwdfrydig Kidslingo yswiriant, maen nhw wedi derbyn hyfforddiant diogelu ac wedi bod yn destun ymchwilad manwl y Gwasanaeth Datgelu a Gwahardd.

THEMÂU

Mae'r rhaglen Kidslingo ar gyfer CA2 wedi'i chynllunio i danio'r dychymyg a datblygu sgiliau dysgu iaith annibynnol trwy ystod eang o themâu e.e.

- Fi fy hun
- Y gwyliu haf
- Fi a fy nheulu
- Chwaraeon
- Dillad a'r tywydd
- Diwylliant
- Fy anifeiliaid
- Ffrangeg/Sbaeneg anwes
- Fy nhŷ, fy nghartref
- Bywyd ysgol

(a llawer mwy!)



Ein gweledigaeth yw ysbrydoli pobl ifanc i ddwl ar ieithoedd

"Dw i wrth fy modd yn dysgu iaith arall! Mae dysgu sut i siarad â phobl o gwmpas y byd a dysgu am ddiwyllianau gwahanol yn hwyl."

Disgybl 8 mlwydd oed

"Mae Kidslingo wedi trawsnewid darpariaeth ieithoedd yn ein hysgol ni'n sylweddol. Nid ydym erioed wedi cael cynifer o blant proffil uchel yn ymgysylltu cymaint yn eu haddysg ieithoedd ag sydd gennym ar hyn o bryd."

Arweinydd Ieithoedd, Ysgol Gynradd

ADNODDAU YCHWANEGOL

Rydyn ni'n defnyddio ystod o adnoddau i sgaffaldio dysgu'r plant gan gynnwys gwefan gemau Kidslingo, taflenni gwaith, matiau geirfa a threfnwyr gwybodaeth.

BETH FYDD Y PLANT YN EI DDYSGU?

Ein bwriad yw bod plant yn gallu deall a chyfathrebu yn Ffrangeg/Sbaeneg trwy ddatblygu sgiliau gwrando, darllen, siarad ac ysgrifennu. Byddan nhw'n dysgu ystod o iaith, geirfa, gramadeg a ffoneg Ffrangeg/Sbaeneg a sut i ddefnyddio'r iaith yma i gyfathrebu â siaradwyr Ffrangeg/Sbaeneg mewn sefyllfaoedd go iawn.

Mae dysgu iaith newydd hefyd yn helpu plant i feithrin a gwella'u sgiliau gwybyddol, megis datrys problem, meddwl yn feirniadol a rhoi sylw i fanylion. Mae'r sgiliau yma'n arwain at gyflawniad academaidd gwell ac mae modd iddyn nhw gael effaith gadarnhaol ar iechyd meddwl a lles cyffredinol disgybl.

